

相雨書  
 天文占驗  
 占驗錄  
 土  
 雲氣占候篇  
 通占大象曆星經  
 牛  
 經





占

驗

錄

周履靖  
輯

中  
華  
書  
局

占驗錄

此據夷門廣牘本  
影印初編各叢書  
僅有此本

占驗錄目錄

鬼谷子享卜法

占夢

占燈花

占噴嚏

占眼潤

占羽毛蟲類

附襍祓事類

占驗錄

目錄

二

目錄終

占驗錄

嘉禾梅墟周履靖輯

鬼谷子享卜法

卜者候夜稍靜洒掃滌釜注水令滿用木杓安  
竈上鏡安竈門傍燃燈竈上一置竈底炷香  
叩齒祝文曰

維某年月日某敢焚信香昭告于

司命竈君之神切聞福既有基咎豈無徵事之  
先兆惟神是司以今某伏爲某事衷心營營

罔知攸指敬於靜夜移薪息爨滌釜注泉某  
不勝聽命之至禱畢執杓祝之曰四縱五橫  
天地分明神杓所指禍福攸分祝畢以手撥  
水左旋拋杓任其自定隨杓所指抱鏡出門  
不得回顧密听傍人言語卽是響卜之事符  
後方得言之或杓柄指處無路則是有阻宜  
再祝撥水占之

占夢

陰陽成夢



黃帝內經云陰盛則夢涉大水恐懼陽盛則  
夢大火燔灼陰陽俱盛則夢相殺上盛則夢  
飛下盛則夢墮飽則夢與饑則夢取肝氣盛  
則夢怒肺氣盛則夢哭

虛實成夢

東萊類說云形接而爲事神遇而爲夢浮虛  
則夢揚沉實則夢溺寢帶則夢蛇寢巾則夢  
鳥銜髮則夢飛將陰則夢水將晴則夢火將  
病則夢食將憂則夢歌舞

虛靜成夢

孫真人調神論云凡夢皆緣魂魄窒於軀軀不能流通夜則魂魄虛靜神將告以方來吉凶而夢生焉半夜前夢其事應在遠夜半後其事應在近

魂安無夢

孫真人西山記云欲無惡夢者勿食本命所屬及魚鱉牛犬之肉勿思邪淫怪偽悖逆之事勿殺六畜睡必首東受生氣面向外則魂

安無夢矣

修德禳夢

釋典云四法判夢一曰無明重習二曰舊識  
巡遊三曰四大偏增四曰善惡先兆新序云  
諸侯夢惡則修德大夫夢惡則修官士夢惡  
則修身如是則禍不至矣

巽水解夢

茅亭客話云人藏陰多則夢數陽多則夢稀  
有亦不記瞽者無夢愚者少夢養性論云有

夢不須說但以淨水東嚙咒曰惡夢着草木  
好夢成珠玉卽無咎矣

莊子曰至人無夢至人無欲故無夢也世人  
私欲無窮故感而成夢百怪千狀世所未有  
輒夢見之是豈筆札所能盡耶姑記其畧以  
待知者所謂修德禳夢一言而備吉凶之兆  
存乎人耳

占燈花

燈乃一家照鑒之主開花結子吐焰噴光可知

人事之吉凶可占天時之陰晴凡燈有花任其開謝不可剪滅三吹不滅更不可吹切宜戒之

燈有花久不滅來日主有喜慶至天明不滅不落五日內喜事不絕開花向卯必於大人處得書若七夜如此仕人則加官進祿常人商賈則倍有利宜焰忽分兩炬主有大恩印綬遷官吉慶士人卽有大官委命及貴人引援燈花連珠下垂者主有遠行中心結花如

菜豆主有酒食孕則生貴子燈花連連爆出  
又爆者主大喜選舉遷官陞改吉慶燈無故  
自滅主有災悔喪服

占噴嚏

子日有酒食 丑日主憂疑 寅日有外事  
卯日主大吉 辰日婚會吉 巳日主口舌  
午日有喜事 未日主尋常 申日只平平  
酉日有客至 戌日女思念 亥日有人思

占眼瞶

子日左酒食右女思 丑日左悲思右人思  
寅日左出行右凶事 卯日左人至右人思  
辰日左喜事右大吉 巳日左人至右凶事  
午日左人思右吉事 未日左酒食右吉事  
申日左人思右吉事 酉日左走失右大吉  
戌日左酒食右人至 亥日左吉事右凶事  
凡眼瞶左眼爲他人事右眼爲自己事

又金鳴若自外鳴來吉添財進喜自內鳴出去  
主凶財散家破若男作女拜女作男揖卽止

凡脚心爛盜來之兆取針刺賊字唾之速散  
凡渾身肉跳主憂疑官非之事

占羽毛蟲類

鵲早噪行人至中時噪婚姻吉暮憂疑一云鵲  
噪大槩主喜事

雞早鳴喜事中時鳴口舌暮鳴主喪事

烏鴉早鳴主火光之災中時有小喜暮官非一  
云鴉鳴大槩主喜少憂多

鷗梟早鳴喜事中時鳴官刑暮喪事



雞入鍋中啄食其家漸貧無衣

猫犬無故來家如已養畜者主大富貴

犬上房屋主人凶竈前嚎小口病廁上嚎妻妾

病鼠白日自來人前死者主凶禍立見

犬似人立小兒凶犬拋糞擦腴行主家人盜

鼠跌入水甕中其家主遠移

鼠如雞啼主人口病咬碎衣服主妻病

鼠如雞啼上牀鳴主官非

蝙蝠飛入牀帳主妻病若自死者主口舌